

編

年

通

載

四庫未收書提要

學經室外集卷四

編年通載四卷提要

宋章衡撰按陳直齋書錄解題晁公武郡齋讀書志皆載此書凡十五卷此宋刊本四卷前有明內府文淵閣印記考之明內閣藏書目錄云編年通載二冊不全宋元祐間起居舍人章衡撰進斷自帝免訖於宋治平丁未總三千四百年推甲子以冠其首凡史之訛謬疑誤皆為辨證世數代易歷統相傳年名國號災祥善惡具載焉凡十卷其第五卷以下皆闕據此則為明內府所藏宋本無疑也首有元祐三年章

案刊書序一篇案乃衡之族父又衡進書表一篇自  
一卷帝堯起至四卷西晉世祖太康元年止歷代興  
亡分合開卷瞭如是誠有裨於史學也

編年通載序

史學之不講久矣漢魏已來以是名家者不  
過數人歷世既遠載籍漫汗學者披文考古  
如乘桴涉海而欲窮其津涯未易得也至有  
皓首疲精斃口於編簡文字之間問其前代因

革之端紀年號名之同異何者爲正何者爲  
僞一治一亂姦雄割據天下之所以離與其所  
以合之由茫然不能對者多矣嗚呼天地之  
理求於簡易而可以得六合之廣據於會要  
而可以觀不居其簡而欲致其詳不執其要

而欲會其衆斯亦惑矣族姪衡子平以文辭  
舉進士當

仁宗朝擢爲第一自布衣時已留心於茲學  
會葺取經傳諸家之所載研磨編綴積二十餘  
年而後書成列爲十卷名之曰編年通載斷

自帝堯以訖于

皇宋丁未之歲總三千四百年推歷甲子以  
冠其首而爲之次第焉史有訛謬爲刊正之  
事有疑誤爲明辨之若夫世數之代易歷統  
之相傳年名國號散殊重複凡廢興治亂之

地割裂合并之因災祥善惡罔不具載開卷  
推迹粲然如黑白之在目其論議有條理得居  
簡執要之術蓋歷代史籍之管轄也夫以二  
十萬言而包括三千四百年之事上下馳騁  
靡有缺漏措意初若煩勞而卒會於簡易



非敏識好學篤志而強力烏能爲之哉是書也甲寅歲嘗進御於

神宗皇帝備

乙夜之覽當時頗蒙稱獎子平祕而不以示人予病近時儒者篤於窮經而未皇及傳記

簡策之學間有從事於斯者如前之云云因  
募工鏤板以廣其傳庶幾讀之者用力甚少  
而收功彌博噫士之不欲知古昔則已如欲  
從容間燕上論其世視數千百歲之遠如在  
掌上捨此書何以哉又如

朝廷作新法令更易制度凡禮樂刑政之所  
關教化沿革之所自紀元立號於此質疑上  
則資

人主之顧問次則備平居之遺忘據舊鑒新  
可以縷數然則補助學問豈尺寸之功歟博

學多識之君子覽之無忽也元祐三年六月

初一日建安章 棠謹序

進編年通載表

臣衡言臣聞今之所以知古後之所以知今  
其君臣之系治亂之迹紀歷之元必憑諸史  
以傳天下茲事體大自昔才難臣衡誠惶誠  
懼頓首頓首竊以堯舜二典夏商周之訓

誓誥命春秋之二百四十二年行事皆出聖人  
手筆渾深奧密莫敢倫擬兩漢以來司馬遷  
因秦火之餘輯殘脫之經及戰國百家之說  
又率己意易編年而為紀傳世家表書上下  
數千載最為雄贍采摭精粗不能無失

下闕

摠三千四百年目之曰編年通載其刊正謬誤  
如史記以爲舜年二十以孝聞三十堯舉之五  
十攝行天子事六十有一而踐帝位在位三十  
九年今以虞書考之則舜生三十登庸三十  
□□□位五十載□知司馬遷之妄如魏受

漢禪漢紀以爲延康元年十月乙卯魏志以  
爲十一月庚午受禪壇碑以爲十月辛未夫禪  
代大事也而三說不同今以詔冊書令推之  
實以十月乙卯策詔使奉璽綬二十九日辛  
未始登壇受命乃知史官之失佗類此者何



可勝道

本朝建隆之元歲在庚申至于治平四年丁未一百八年

五聖相承四海一統其神功睿德巍巍蕩蕩充塞天地莫得而名其號令法度載于國書

又莫得而見臣今所書者或得於詔勅或得  
於圖錄或得於十國傳志或得於羣臣家集  
略舉大綱以貽萬世於戲夏有天下四百三  
十二年其爲善治者啓少康五十九年而已  
商有天下六百二十九年其爲善治者太甲

太戊武丁一百六十七年而已周有天下八  
百六十七年其爲善治者成康宣二百一十  
九年而已兩漢有天下四百二十六年其爲  
善治者文景宣光明章一百四十年而已後  
魏享國一百七十一年有志于治者孝文而

已唐有天下二百九十年其爲善治者正觀  
開元五十二年而已善治如此其少也王道  
如此其難行也天造

我宋 鴻猷盛烈安平之久推之前世未有

□□恭惟

皇帝陛下光宅丕圖祇適先憲摠行靈命  
以垂無窮若鑒古制作則臣之此書不逾几  
席可以窮百王之軌轍若新歷元朔則臣之  
此書不離掌握可以知千歲之號名是敢冒昧  
天威仰塵乙覽儻蒙收採則臣之疲心刊精

庶幾少補其編年通載十冊謹隨表

上進以

聞臣銜誠惶誠懼頓首頓首謹言

編年通載第一

起居舍人直集賢院同知審官西院事兼判史館臣章衡上進

帝堯

謚法翼善  
傳聖曰堯

伊祁姓帝嚳娶陳鋒氏慶

生放勳以唐侯升為天子號曰陶唐氏都

陽樂曰大章孔子曰大哉堯之為君也魏

魏乎唯天爲大唯堯則之蕩蕩乎民無能名

焉堯子丹朱不肖以天下授之舜二十八載

而殂落凡在位九十八年

皇甫謐曰堯以甲申歲生甲辰即帝位甲午用

舜甲寅舜攝政辛巳終壽百一十

六歲皇覽曰堯冢在濟陰城陽

帝舜

謚法仁聖  
盛明日舜

姚姓帝高陽七世孫父曰瞽



瞽母曰握登年二十以孝聞三十登庸三十

在位

歷試二年攝政二十八年

受終于文祖天下號曰有

虞氏都蒲坂樂曰大韶孔子曰韶盡美矣又

盡善也君臣相救維是幾安而股肱不良萬

事墮壞故天下明德皆自舜始五十載陟方

乃死

皇甫謐曰舜以甲子歲生甲午登用  
壬午即真癸卯終葬於蒼梧之野

夏禹

謚法受禪  
成功曰禹

姒姓父曰鯀母有莘氏脩己

禹治水有功舜子商均亦不肖乃薦禹於天

而授之位天下號曰夏后氏都安邑樂曰大

夏孔子曰禹菲飲食而致孝乎鬼神惡衣服

而致美乎黻冕卑宮室而盡力乎溝洫在位

十年東巡狩至于會稽而終

皇甫謐曰  
年百歲

子啓嗣

啓

其母塗山氏之女啓與有扈戰于甘之野作  
甘誓皇甫謐曰啓元年甲辰十年癸丑終

太康

啓之子在位二十九年畋于洛十旬弗反有窮  
后羿距于河厥弟五人御其母篚于洛之汭述

大禹之戒以作歌

太康遂失國而死

仲康

太康之弟羿廢太康而立之義和洒淫廢厥職命師徂征仲康在位十三年

相

仲康之子徙都商丘在位二十八年

有窮氏羿

羿口相而篡其位立二年爲其臣寒浞所滅

寒浞

殺羿自五十年爲夏臣靡所誅

少康

相之子母有仍氏之女有田一成有衆一旅復禹舊迹祀夏配口在位四十九年

宁

少康之子一作杼  
在位十七年

槐

宁之子  
在位二十六年

芒

槐之子  
在位十八年

泄

芒之子  
在位十六年

不降

泄之子  
在位五十九年

扃

不降之弟

在位二十一年

廛

扃之子

在位二十年

孔甲

不降之子好鬼神淫亂諸侯叛之  
御龍氏懼而去在位三十二年

皐

孔甲之子

在位十一年

發

皐之子墓在穀南陵  
在位十年

原  
闕

一  
二  
三  
四  
五  
六  
七  
八  
九  
十

一  
二

太甲

太丁之子既立顛覆湯之典刑伊尹放諸相三年悔過思庸伊尹復政厥辟歸于亳享國三十

三年年百歲

廟稱太宗

沃丁

太甲之子在位三十年八年伊尹卒沃丁葬之于亳

太庚

沃丁之弟在位二十五年

小甲

太庚之子在位十七年以七年二月甲申朔旦起歷



雍己

小甲之弟

在位十二年

太戊

雍己之弟以伊尹之子陟爲相亳有祥桑穀  
共生于朝太戊懼而脩德二本死享國七十

五年廟

稱中宗

仲丁

太戊之子遷都于囂

在位十三年

外壬

仲丁之弟

在位十五年

河亶甲

外壬之弟居於相  
在位九年

祖乙

河亶甲之子遷于耿巫賢  
任職商復興在位十九年

祖辛

祖乙之子  
在位十六年

沃甲

祖辛之弟  
在位二十五年

祖丁

祖辛之子  
在位三十二年

南庚

沃甲之子

在位二十九年

陽甲

祖丁之子在位十七年自仲丁以來廢適更立諸弟子弟子或爭相代立比九世亂諸侯莫朝

盤庚

陽甲之弟自湯至盤庚五遷國都盤庚復居于亳作盤庚三篇行湯之政商復興在位十八年

小辛

盤庚之弟

在位二十一年

小乙

小辛之弟

在位二十年

武丁

小乙之子以傳說爲相修政行德天下  
咸驩享國五十九年年百歲廟稱高宗

祖庚

武丁之子  
在位七年

祖甲

祖庚之弟淫亂政  
衰在位十六年

廩辛

祖甲之弟  
在位六年

庚丁

廩辛之弟  
在位二十一年

武乙

庚丁之子徙居河北無道慢神獵於河渭間暴雷震死在位四年

太丁

一曰文丁武乙之子在位三年

乙

太丁之子商益衰在位三十七年

辛紂

乙長子啓啓母賤不得嗣少子辛立一名受嬖乙長子啓啓母賤不得嗣少子辛立一名受嬖姐已用費中惡來天下謂之紂法茂義武王

伐之赴火而死

在位三十三年

商湯自庚戌建國盡戊寅十七世三十

王凡六百二十九年

周文王昌姬姓其先后稷始封於邠至于  
慶節立國於豳古公亶父止於岐下古公有  
子太伯虞仲季歷季歷生昌有聖瑞古公

曰我世當有興者其在昌乎  
太伯虞仲知古  
公欲立季歷以傳昌乃亡如荆蠻  
其後昌立  
是爲西伯徙都於豐三分天下  
有其二猶服

事商享國五十年壽九十七

武王追尊古公爲  
太王西伯爲文王

太子發立是爲武王以太公望爲師周公旦

爲輔召公畢公爲左右九年觀兵至于盟津十  
一年一月戊午伐紂遂戰于牧野革商受命  
天下號曰周都鎬京樂曰大武在位七年壽

九十三

從黃帝至武  
王十九世

魯

武王克商封弟周公旦於曲阜爲魯公公留輔王室  
使子伯禽歸國淮夷徐戎爲寇伯禽征之作費誓



在位四十六年以

康王十六年辛

子考公酋

在位四年

場公熙

考公弟在位六十年

公宰

場公子在位十四年為弟漕所殺

微公漕

在位五年

厲公擢

漕之子在

位三十

七年 獻公具

擢之弟在位五年

十慎公淖

具之子六年厲王奔于淖

# 齊

姜姓侯爵武王封太公望呂尚於營邱曰齊成王

又命之曰五侯九伯汝得征之以夾輔周室

太公冢在

臨菑縣城南

子丁公伋伋子乙公得得子癸公慈母慈

母子哀公不辰

紀侯譖之周夷王烹哀公而立其弟靜

胡公靜

徙都薄姑

哀公母弟山襲

獻公山

治臨

殺胡公而自立

子武公壽

九年厲

王奔

於

城

# 吳

子爵武王求太伯仲雍之後得其曾孫周章周章  
已君吳因而封之至壽夢始大稱王自太伯至壽  
夢十九世

# 陳

侯爵武王求舜後得虞暹父之子滿封之於陳賜  
姓曰媯號胡公以奉舜祀子申公犀侯相公皐羊

犀侯 弟 孝公突 犀侯 慎公圍戎 突之子

幽公寧 圍戎子十二  
年厲王奔虢

# 曹

伯爵武王封弟叔振鐸於陶邱曰曹子太伯脾立  
仲君平 脾之子 宮伯侯 仲君之子 孝伯雲 宮伯侯之子 夷伯喜

雲之子二十三  
年厲王奔虢

北燕

姬姓伯爵武王封召公奭於北燕成王時爲三公自陝以西召伯主之居鹿陽薊縣至簡公欸二十九世始見于春秋

成王誦

武王太子即位年少其叔父周公旦攝政當國管叔蔡叔流言曰公將不利於孺子乃與武庚作亂周公

奉王命征之誅武庚管叔放蔡叔天動威以彰公之德成王

寤逆公卒相乃營洛邑制禮作樂七年歸政于王

成王在位四十七年

宋

子姓公爵武王伐紂而封其子武庚以紹商後武庚既誅成王更封微子啓紂庶兄帝乙之子爲宋公以奉

先祀都商邱微仲行第

啓之

宋公稽

行之

丁公申

稽之

子閔公共申之煬公熙

共之弟閔公子

附厲公

下闕

通載

三三

昭王瑕

康王子王道微缺南巡守卒于江上  
其卒不赴告諱之也在位五十一年

穆王滿

昭王子即位年已五十犬戎荒服者不至命  
呂侯訓夏贖刑在位五十五年年百四歲

共王扈

穆王子  
在位十二年

懿王囂

共王子王室衰詩人  
興刺在位二十五年

孝王辟方

共王弟  
在位十五年

秦

其先伯翳佐舜有功賜姓曰嬴後有非子事周  
孝王使之養馬於汧渭間封爲附庸邑於秦  
非子曾孫秦仲宣王命爲  
大夫至襄公始列爲諸侯

夷王燹

懿王太子  
在位十六年

厲王胡

夷王子好利近榮夷公暴虐弭謗國人  
叛襲之出奔於彘而死在位三十七年

共和十四年

厲王出召公虎周公二相行政號  
曰共和凡十四年始於庚申止於

下  
關

庚辰辛巳壬午癸未甲申

七年

秦莊公在位四十五年楚熊徇元年

八年

九年

十年

十一年

魯武公敖元年



乙酉

十二年

魯武公與長子括少子戲朝于王王立戲爲魯太子樊仲山甫諫以爲不順必犯王命王不聽夏武公歸而薨太子戲立齊厲公暴虐國人弑之太子赤立誅弑君者七十人

十三年

魯懿公戲齊文公赤元年

十四年

十五年

衛侯遫薨太子共伯早卒其弟和立復脩康叔之政詩人美之

巳癸辰壬卯辛寅庚丑巳

十六年

衛武公和元年 在位五十三年

十七年

晉穆侯肆元年 在位二十七年

十八年

蔡僖侯新元年 在位四十八年

十九年

二十年

甲午乙未丙申丁酉戊戌

二十一年

正月癸巳朔

魯懿公兄括之子伯御與魯人弑懿公而自立

二十二年

魯伯御元年

鄭伯爵宣王始封  
其弟友於鄭

桓公友元年

二十三年

二十四年

二十五年

齊成公說元年 在位九年

巳亥庚子辛丑壬寅癸卯

二十六年

二十七年

二十八年

宋哀公元年

二十九年

宋戴公在位三年楚熊鄂元年

三十年

甲辰乙巳丙午丁未戊申

三十年

王伐魯殺伯御立懿公之弟稱諸侯從是而不睦

三十二年

陳武公靈在位十六年曹惠伯堆在位三十六年魯孝公稱在位二十七年元年

三十三年

齊莊公購元年在位六十四年

三十四年

三十五年

巳酉庚戌辛亥壬子癸丑

三十六年

三十七年

三十八年

楚若敖熊元年 在位二十七年

三十九年

戰于千畝 王師敗績于姜氏之戎 王乃料民於太原 樊穆仲諫不聽

四十年

甲寅乙卯丙辰丁巳戊午

四十年

四十一年

四十二年

晉穆侯卒其弟殤叔自立太子仇出奔

四十三年

晉殤叔元年

四十四年

己未庚申辛酉壬戌

四年

王崩王能慎微接下無不自盡以奉其上內修政事外攘夷狄尹吉甫北伐獫狁方叔南征荆蠻復文武之疆土周室於是中興

幽王

宮元年 晉太子仇襲殺瑤叔而自立

二年

晉文侯仇在位三十五年陳夷公說元年  
涇渭洛竭文侯伯陽父曰周將亡

三年

王取申侯女爲后生太子宜臼又嬖褒姒生子伯服乃廢申后太子宜臼以褒姒爲后伯服爲太子褒姒驕縱王惑之  
伯陽父曰禍成矣



癸亥 甲子 乙丑 丙寅 丁卯

四年 五年 六年 七年 八年

秦襄公

在位十二年

陳平公

公夷元年

十月甲卯朔日有食之  
諷之八月  
人與刺

未辛 午庚 巳巳 辰戊

九年

十年

十年

申侯與西戎攻殺幽王於驪山下虜褒姒鄭桓公死之申侯復立太子宜臼遷都洛邑以避狄難自是王室微弱諸侯交爭而齊楚秦晉始大秦襄公以兵救周平王東遷王賜之地始列為諸侯

平王

曰宜

元年

鄭武公弑元年是為新鄭

衛武公以兵佐周平戎王命為公

壬申癸酉甲戌乙亥丙子

二年

三年

四年

五年

六年

魯惠公弟  
湫

元年 在位四十六年

秦襄公伐戎至岐而薨

秦文公在位五  
十八年

宋武公在位  
十八年

元年

丁丑戌寅巳卯庚辰辛巳

七年

楚霄敖坎元年 在位六年

八年

九年

十年 蔡共侯興元年

十一年

曹惠伯卒子石甫嗣其弟武殺之而自立

壬午癸未甲申乙酉丙戌

十二年

曹穆公武蔡戴侯  
在位十年元年

十三年

十四年

衛莊公揚在位二十三年  
楚蚡冒在位十七年  
元年

十五年

曹桓公終元年  
在位五十五年

十六年

卯辛寅庚丑巳子戊亥丁

十七年

陳文公 國元年在位十年

十八年

十九年

二十年

二十一年

秦文公以兵伐戎大敗戎師收周餘民有之地至岐岐以東獻之周

壬辰癸巳甲午乙未丙申

二十三年

蔡宣侯父考元年 在位三十五年

二十四年

宋宣公力元年 在位十九年

二十五年

二十六年

晉昭侯伯在位六年 曲沃桓侯成師在位十五年 元年 晉始亂封文侯弟成師于曲沃號桓叔於是曲沃盛彊昭侯微弱其後六十七年卒并晉

丁酉 戊戌 巳亥 庚子 辛丑

二十七年

陳桓公鮑 元年 在位三十八年

二十八年

鄭莊公蠃 元年 在位四十三年 鄭莊公弟段有寵於母武姜使居京段多才好勇不義而得衆公不禁詩人刺之

二十九年

荆子蚡冒卒弟熊通殺蚡冒之子而自立

三十年

楚武王通 元年 在位五十一年

三十一年



壬寅癸卯甲辰乙巳丙午

三三年

晉孝侯平元年 在位十六年 晉潘父弑其君昭侯而納曲沃桓叔不克晉人立昭侯子平誅潘父

三二年

三四年

三五年

三六年

衛莊公娶于齊曰莊姜美而無子詩人爲之賦碩人綠衣公子州吁嬖人之子有寵而好兵公不禁是歲莊公薨而太子完立

亥辛戌庚酉巳申戊未丁

三十七年

衛桓公克元年 在位十六年

三十八年

三十九年

四十年

正月壬申朔 〇〇〇〇

四十一年

齊僖公 祿父在位三十三年 曲沃莊伯 十五年 元年

壬子 癸丑 甲寅 乙卯 丙辰

四三年

宋宣公薨舍其子與夷而立其弟和

四四年

宋穆公和元年 在位九年

四五年

四六年

四七年

酉辛申庚未巳午戊巳丁

原闕

亥 癸 戌 壬

甲子乙丑丙寅丁卯戊辰

三年

晉哀侯九年  
冬鄭伯來朝王不禮

四年

冬王使凡伯聘于魯戎伐凡伯于楚邱以歸  
秦文公薨太子蚤卒立太子之子寧公

五年

秦寧公在位十年曲沃武公十九年元年  
春魯鄭易枋田以請侯不能復朝天子天子不能復巡守故也

六年

秦桓侯元年在位二十年

七年

夏齊侯魯侯鄭伯伐宋鄭人取郟及防皆歸于魯

己巳 庚午 辛未 壬申 癸酉

八年

冬魯公子翬請殺桓公將以求大宰隱公不許翬懼反譖公子桓公十一月壬辰弑隱公而桓公立

九年

魯桓公九年 在位十八年

十年

宋莊公為在位十九年元年春宋督弑瑤公召公子馮于鄭而立之齊魯陳鄭皆有賂故遂相宋公

十一年

晉小子侯元年春曲沃武公伐翼獲哀侯晉人立其子謂之小子侯七月壬辰朔日有食之既

十三年

夏王使宰渠伯糾聘于魯

甲戌 乙亥 丙子 丁丑

十三年

春陳侯鮑堯文公子佗殺太子免而代之 王奪鄭伯政鄭伯  
不朝秋王以蔡人衛人陳人伐鄭王卒大敗祝聃射王中肩  
夏王使仍叔之子聘于魯

十四年

陳厲公躍元年在位七年夏北戎伐齊鄭太子忽帥師救齊大敗戎師  
秋蔡人殺陳佗而立桓公之弟躍厲公篡出也故蔡人為之殺五父佗

十五年

夏曲沃伯誘晉小子侯殺之

十六年

晉侯在位二十六年元年春王使冢父聘于魯 冬王命虢仲立晉哀  
侯之弟緡于晉 秦寧公堯三父廢太子而立少子出公年五歲



十七年 秦出公元年 在位六年  
春祭公逆王后紀季姜歸于京師

十八年

十九年 曹莊公在位三年元年 冬鄭莊公在位十一年薨公子突之母宋雍氏之女秋  
宋人誘祭仲而執之使立突太子忽奔衛

二十年 鄭厲公在位元年冬衛宣公在位八年薨宣公生急屬諸右公子生壽屬諸左公子宣姜與公子朔構急于公使諸齊使盜待諸莘壽子載其旌以先盜殺之急子至又殺之二公子故怨惠公

戊寅 己卯 庚辰 辛巳

壬午癸未甲申乙酉

二十一年

衛惠公朔陳莊公林在位 元年

二十二年

冬齊僖公薨襄公立無常鮑叔牙曰亂將作矣奉僖公子小白出奔莒秦三父復殺出公立故太子武公

二十三年

齊襄公諸兒在位 秦武公在位二年 元年二月王使冢父求車于魯 三月乙未王崩春秋不書葬于莊王即位 鄭祭仲專厲公欲殺之不克五月厲公出奔蔡昭公忽復入九月厲公入于櫟

莊王

元年

元年

衛黔年在位 鄭昭公忽元年 十一月衛左公子洩右公子職立公子黔年惠公奔齊

丙戌

二年

六月蔡桓侯薨無子蔡人召其弟季于陳而立之  
鄭昭公忽惡高渠彌  
秦武公討三父夷三族  
十月朔日有食之

丁亥

三年

蔡哀侯獻舞在位十一年而亡鄭子亶元年初王子克有寵于桓王辛伯諫不  
從周公黑肩欲弑莊王而立克辛伯告王王殺周公王子克奔燕  
春魯侯與夫人姜氏如齊齊侯通於文姜公誦之四月丙子使公子  
彭生殺桓公秋齊侯殺鄭子亶而轅高渠彌祭仲逆昭公弟子  
儀于陳而立之

戊子

四年

魯莊公同在位十二年鄭子儀在位十年  
冬王使榮叔錫魯桓公命

己丑庚寅辛卯壬辰癸巳

五年

陳宣公十四元年 在位四十五年

六年

宋閔公十四元年 在位十年  
五月葬桓王

七年

楚文王十四元年 始都郢  
冬魯侯齊人宋人陳人蔡人伐衛納惠公

八年

衛惠公十四元年 春王人子突救衛六月衛惠公入于衛放公  
子黔牟于周殺二公子

九年

十年

四月辛卯夜常星不見夜中星隕如雨

十一年

齊侯使連稱管至父戍葵邱過期請代弗許公孫無知有寵於僖公禮秩如適襄公熱之二人因而作亂十二月癸未弑襄公而立無知管夷吾召忽秦公子糾奔魯

甲午乙未丙申

十二年

齊桓公小白元年在位四春齊雍廩殺無知夏魯侯伐齊納公子糾不克公子小白自莒先入秋齊敗魯師于乾時鮑叔帥師請魯殺子糾于生甯召忽死之囚管仲以歸告於桓公曰使相可也公從之

子庚 亥 巳 戌 戊 酉 丁

十三年

春齊伐魯魯用曹劌謀敗齊師于長勺

秋荆敗蔡師于莘以蔡侯獻舞歸荆自是始通上國蔡侯在位十一年留于楚九年而卒

十四年

秋宋大水

十五年

宋閔公□□□□□秋弑閔公于蒙澤殺仇牧及大宰督而立于游冬蕭叔大心及戴武宣穆莊之族以曹師伐之殺子游立莊公之子御說南宮萬奔陳宋人請而醢之王崩春秋不書子僖王即位

僖王

齊胡元年

宋桓公御說元年 在位三十一年

辛丑壬寅癸卯甲辰

二年

六月鄭傅瑕殺其君子儀及其二子而納厲公厲公入遂殺傅瑕原繁自縊而死

三年

鄭厲公突後元年初立四年而亡七十七年春諸侯會于鄆齊始霸復入凡在位二十八年

四年

晉武公稱三十八年曲沃武公伐晉侯緡滅之盡以寶器賂于周冬王命曲沃伯以一軍爲晉侯秦武公薨初以人從死其弟德公立

五年

秦德公在位二年元年遷於雍王崩春秋不書子惠王即位

乙巳 丙午 丁未 戊申

惠王

閏

元年

晉獻公說諸在位二十六年

楚杜敖在位五年

元年

三月日有食之

二年

秦宣公元年在位十二年

秋周大夫為國邊伯詹父子禽祝詭奉  
莊王子頹以代王不克出奔溫蘇子奉子頹以奔衛衛師燕師  
伐周冬立子頹

三年

蔡穆侯在位二十九年

春鄭伯和王室不克夏遂以王歸處于櫟

四年

夏虢公鄭伯同伐二城殺王子頹及五大夫而納王



己酉庚戌辛亥壬子

五年

鄭文公撓元年在位四十五年春陳宣公欲立其嬖姬子疑故殺其太子御寇公子完奔齊齊侯使爲卿辭乃爲工正楚杜敖欲殺其弟憚憚奔隨與隨襲楚弑杜敖而自立憚一名顛

六年

楚成王頹元年在位四十六年

七年

曹僖公赤元年在位九年冬戎侵曹曹世子羈出奔陳莊公之子赤歸于曹

八年

六月辛未朔日有食之秋魯大水晉桓莊之族偪獻公患之士爲請諧富子而去之冬盡殺羣公子

癸丑 甲寅 乙卯 丙辰

九年

衛懿公赤元年在位九年  
十二月癸亥朔日有食之

十年

王使召伯廖賜齊侯命爲侯伯

十年

晉獻公齊姜生太子申生大戎狐姬生重耳小戎子生夷吾驪姬生奚齊其娣生卓子驪姬嬖欲立其子賂外嬖梁五與東闕嬖五使言於公夏使太子居曲沃重耳居蒲夷吾居屈唯二姬之子在絳

十二年

丁巳戊午 巳午 未巳 庚申

十三年

九月庚午朔日有食之  
令尹自毀其家以紓楚國之難

楚殺其令尹公子元闞穀於克爲

十四年

秦成公元年

宣公弟在  
位四年

十五年

八月魯莊公疾叔牙請立慶父  
叔牙同  
季友請立太子般  
季友之  
紉乃使鍼季酖叔牙癸亥公薨子般立十月慶父使圉人榮賊子般成季奔陳齊人立莊公庶子開年八歲

十六年

魯閔公開曹昭公  
班在位九年  
元年  
晉侯作二軍以滅狄滅霍滅魏賜趙夙耿單萬魏以爲大夫

辛酉壬戌癸亥甲子

十七年

衛戴公申元年八月辛丑魯慶父使卜齋賊閔公季友立閔公庶兄申而誅慶父哀姜與於亂奔于邾齊人取而殺之  
冬狄滅衛殺懿公齊宋收衛之遺民立宣公之孫戴公公卒又立其弟文公

十八年

魯僖公申在位三十三年 衛文公姬在位二十五年 秦穆公任好或公弟在位三十九年 元年

十九年

春諸侯城楚邱而封衛爲文公建城市營宮室輕賦平罪以道化民授方任能國更富盛詩人美之

二十年

乙 丑

二十一年

春齊桓公以諸侯之師侵蔡蔡潰遂伐楚楚貢包茅不入楚子使屈完來盟于師冬晉驪姬使太子申生祭齊姜于曲沃歸胙于公姬寘毒而獻之以譖太子太子自縊于新城遂譖二公子曰皆知之

丙 寅

二十二年

春晉侯使寺人披伐蒲重耳奔狄王以惠后故將廢太子鄭而立寵子帶夏齊桓公以諸侯會王太子于首止謀寧周也九月戊申朔日有食之十二月晉滅虢虢公醜奔京師師還襲虞滅之執虞公

二十三年

春晉侯使賈華伐屈夷吾出奔梁

戊辰巳巳庚午

二十四年

冬王崩太子鄭惡大叔帶之難懼不立不廢喪而告難于齊

二十五年

曹共公襄元年 在位三十五年

春諸侯盟于洸謀王室也襄王定位而後發喪書曰十有二月丁未天王崩從告也葬春秋不書

襄王

鄭

元年

王使宰孔賜齊侯胙 九月晉獻公薨十月里克平鄭  
欲納文公里克殺奚齊于次荀息立卓子十一月里克  
又殺之卻芮使夷吾重賂秦以求入故齊隰朋帥師會  
秦師納惠公

亥乙戌甲酉癸申壬未辛

二年

晉惠公

夷吾在位十四年

宋襄公

莊父在位十四年

元年

三年

春王使召武公內史過賜晉侯命

夏王子帶召戎伐京師入王城焚東門秦晉伐戎以救周

四年

三月庚午日有食之

王以戎難故討王子帶秋王子帶奔齊

五年

陳撈公款

元年 在位十六年

秋為戎難齊仲孫湫率諸侯戍周

六年

八月辛卯沙麓崩

丙子丁丑戊寅

七年

秦莊公甲午在位十四年元年夏五月日有食之初晉侯許路中大夫賂秦伯以河外列城五既而皆不與晉饋秦輸之粟秦饋晉閉之翟冬秦伯伐晉戰于韓原獲晉侯以歸既而合之秦始征晉河東置官司焉

八年

正月戊申朔隕石于宋五是月六鷁退飛過宋都秋王以戎難告于齊齊率諸侯戍周

九年

夏晉太子圉爲質於秦秦歸晉河東而妻之齊桓公多內寵內嬖如夫人者六人有子無虧元昭潘商人雍十月乙亥桓公薨五公子皆爭立易牙入與寺人貂作亂殺羣吏而立無虧太子昭奔宋公尸在牀六十七日蟲流于尸十二月辛巳夜乃殯



己卯庚辰辛巳壬午

十年

齊孝公昭在位十年元年春宋襄公以諸侯伐齊三月齊人殺無虧四公子之徒遂與宋人戰五月宋敗齊師于甄立孝公而還

十年

夏宋襄公使邾人執鄆子用于次睢之社將以求霸司馬子魚曰得死爲幸

十三年

十三年

春宋人爲虎上之盟以求諸侯于楚楚人許之公子目夷曰小國爭盟禍也幸而後敗秋宋公楚子及諸侯會于孟楚執宋公以伐宋十二月盟于薄以釋之

癸

未

甲

申

十四年

秋秦晉遷陸渾之戎于伊川 晉太子圉質于秦逃歸  
富辰請召大叔王說王子帶自齊復歸于京師 夏宋公伐鄭  
楚子伐宋以救鄭十一月己巳戰于泓宋公不聽子魚之謀師遂  
敗績公傷股

十五年

五月宋襄公因傷而卒 九月晉惠公薨冬懷公圍命無從亡人  
重執狄突殺之晉公子重耳自狄過衛衛不禮焉及齊齊桓公妻  
之之曹及鄭皆不禮焉之宋宋襄公贈以馬二十乘之楚楚子餐  
之送諸秦秦伯納女五人 重耳時年六十一

乙酉丙戌丁亥

十六年

晉文公重耳在位九年宋成公王臣在位十七年元年春秦伯納重耳于晉殺懷公子高梁夏王使狄伐鄭因其女隗氏爲后王子帶通于隗氏王替之秋狄人奉大叔以攻王王出適鄭處于汜大叔以隗氏居于溫

十七年

晉文公用狐偃言三月以右師圍溫左師納王四月丁巳王入于王城取大叔殺之于隰城王與之南陽之田

十八年

衛成公鄭在位三十五年元年秋宋以其善于晉侯也叛楚即晉冬楚師伐宋圍絳魯以楚師伐齊取穀寘桓公子雍于穀易牙奉之雍本與孝公爭立故使偃齊楚申公叔侯戍之

寅 庚 丑 巳 子 戊

十九年

夏齊孝公薨其弟潘因衛公子開方殺孝公子而代立  
冬楚子及諸侯圍宋宋告急于晉晉文公將伐曹衛以救宋乃  
作三軍謀元帥以卻穀將中軍狐偃將上軍樂枝將下軍

二十年

齊昭公潘在位十九年元年春晉侯侵曹伐衛衛侯出居于襄牛晉侯  
入曹執曹伯分曹衛之田以畀宋人楚子入居于申使申叔去穀  
使子玉去宋曰有德不可敵子玉請戰晉侯退三舍以報楚惠楚  
衆欲止子玉不可四月己巳戰于城濮楚師敗績楚殺子玉  
五月王命晉侯爲侯伯冬晉侯召王狩于河陽以諸侯見  
元咺訟衛侯于晉晉人執衛侯元咺立公子瑕

二十一年

陳共公朔元年在位十八年  
夏王子虎會諸侯大夫盟于翟泉

辛卯 壬辰 癸巳

二十三年

秋晉侯釋衛侯衛侯殺大夫元咺及公子瑕歸于衛 九月  
甲午晉侯秦伯圍鄭以其無禮于晉且貳于楚秦伯說燭之  
武言私與鄭盟使杞子戍之乃遂子犯請擊秦晉侯不可  
冬王使宰周公聘于魯

二十三年

秋晉作五軍以禦狄  
冬狄圍衛衛遷于帝邱

二十四年

春晉楚脩好 夏衛與狄盟  
十二月己卯晉文公薨杞子自鄭告于秦使襲鄭蹇叔以爲不  
可秦伯不聽召孟明西乞白乙使出師蹇叔哭之曰吾見師之  
出不見其入又曰晉人禦師必于峭秦師遂東

甲 午 乙 未 丙 申

壬五年

晉襄公驩在位七年 鄭穆公蘭在位十二年 元年春秦師及滑鄭人知之杞子奔齊孟明滅滑而還 夏晉原軫曰秦不哀吾喪伐吾同姓一日縱敵數世之患四月及姜戎敗秦師于穀獲百里孟明視西乞術白乙丙以歸文嬴請三帥而免之秦穆悔過自責作秦誓不替孟明

壬六年

魯文公興在位十八年 元年二月癸亥日有食之 王使叔服會葬于魯 夏王使毛伯錫魯侯命楚子將以商臣為太子子止曰君之齒未也而又多愛黜乃亂也弗聽既又欲立王子職而黜商臣十月商臣與其師潘崇以宮甲圍成王王請食熊蹯而死弗聽丁未王縊

壬七年

楚穆王商在位十二年 元年春秦孟明伐晉二月甲子晉敗秦師于彭衙秦伯猶用孟明增脩德政重施于民 八月丁卯魯禘于太廟躋僖公君子謂之逆祀

子 庚 亥 巳 戌 酉 丁

二十八年

夏秦伯伐晉濟河焚舟取王官及郊遂霸西戎用孟明也  
秋雨蝨于宋

二十九年

春王以魯夫人風氏薨使榮叔歸舍且昭又使召伯會葬

三十年

春晉蒐于夷舍二軍趙盾始爲國政 夏秦穆公薨以子車氏之  
子奄息仲行鍼虎三良爲殉國人哀之賦黃鳥之詩 八月晉襄  
公薨靈公少晉人以難故欲立長君趙盾使先穀士會如秦逆公  
子雍賈季亦使召公子樂于陳趙孟使殺諸耶賈季奔狄

三十一年

辛 丑 壬 寅

三十三年

秦康公在位十二年晉靈公頃年即位元年四月宋成公薨昭公將去羣公子穆襄之族率國人以攻公殺公孫固公孫鄭于宮  
晉穆嬴日抱太子以啼于朝宣子患之且畏備乃立靈公以禦秦師遂敗秦師于令狐先蔑士會奔秦

三十三年

宋昭公在位九年元年  
八月戊申王崩子頃王即位



編年通載第一